

欽定剿平粵匪方略

欽定勦平粵匪方略卷二百三十七 庚申年

四月初一日 乙丑 瑞昌王有齡奏言 臣等接張玉

良函稱逆匪分踞句容等處令以大股悍賊徑  
撲大營請於援浙諸軍內調派勁旅星夜來常  
以便督率前進等語 臣等除派已革副將楊金  
榜統帶一千五百人前赴廣德外茲又派知府  
曾承禧等帶勇二千三百七十餘名卽日起程

赴常聽候何桂清張玉良調遣至援浙閩兵三千名祇有前隊六百名抵衢臣等又咨催張芾及總兵饒廷選飭令楚閩各軍迅卽前來以備蘇常策應現在上游各路悍賊麕集金陵若使席卷而東江浙安危在於呼吸臣等擬請

飭下曾國藩會同楊載福卽率所部水陸各軍迅由東流建德一帶分勦蕪湖兼入甯境以顧蘇常並

東關口堵扼外仍令李定太卽統所部二千餘人迅由桐廬繞至瀆安後路相機辦理並飭催王振聲段光清各軍會同進剿乃李定太於克復分水後因河水漲發難覓渡船於十五日始得過河追剿及東輝地方與賊接仗賊復遁走屯踞進賢渡兩岸我軍亦就橋西紮營二十日該逆糾合黨與萬餘人撲我營盤以致失利兵

勇傷亡頗多現仍在十五都紮駐段光清由嚴  
州督帶兵勇水陸並進沿途遇賊屢獲勝仗二  
十日又在離瀉安里許之夾江地方將賊船盡  
行燒燬因聞進賢渡之敗後軍又未趕到不能  
進攻亦在港口紮駐臣等正以李定太未足深  
恃爲慮今果不免疏虞誠難勝統率之任惟有  
遵

旨令饒廷選暫行節制各軍以一事權臣等前接該鎮  
函稱現在飛調知府彭斯舉趕帶平江等營三  
千餘人由玉山取道開化遂安小路徑抵淳安  
攔頭截堵並調都司范彪等帶勇一千七百餘  
名探蹤迎擊其原駐嚴郡之守備董洪祥等所  
帶各勇一千餘名令歸併范彪姜鵬二軍由嚴  
進剿等因是其調度尙合機宜現因賊氛復熾

並咨請饒廷選卽行親統所部由衢拔隊馳赴  
淳安一帶相機勦辦其前後由省調派防勦兵  
勇共六千三百餘名悉歸調遣所有省城布置  
事宜臣等逐日會商妥辦漸有頭緒並在城外  
各處紮營斷不敢株守一城致蹈覆轍奏入報

初九日

癸酉

何桂清奏言自建平京塙漂陽相繼

失守蘇常已岌岌可危不意句容復陷賊遂由  
溇化鎮直趨金陵至閏三月十五日全軍皆潰  
賊勢遂更猖獗兵勇亦不用命二十九日和春  
許乃釗皆退守常州驚聞丹陽已失於是江甯  
藩司薛煥等具稟皆以常州足資堵禦蘇州十  
分空虛請駐紮蘇州以繫民望商之和春許乃  
釗皆以蘇省實屬可慮查兩江總督自金陵失



守以後卽以蘇州爲駐紮之地其以常州爲行館者但爲金陵大營後路糧臺所在平日不過數百兵勇有警皆係大營調兵至和春等旣到常州所調官軍皆來自大營則軍務應歸督辦而蘇州則毫無準備文武大小均不知實在軍情大局已形決裂臣擬赴蘇州會同徐有壬等督率兵勇聯結鄉團力籌防勦以固根本

同日兩淮鹽運使喬松年奏言幫辦軍務福建提督李若珠近來陡患痺證不能行步昨臣已將李若珠患病情形稟知和春擬請派總兵一人前來揚州協同李若珠料理尙未得和春回信江南現在路路喫緊李若珠獨當一面責任綦重現旣患病實深恐兵勇心存玩忽致有貽誤可否仰懇

天恩棟派大員速來揚州總統諸軍以保地方

喬松年又奏言探報丹陽失守和春張國樑衝圍而出各將弁有南至常州者有北至鎮江者潰敗之勇有渡江而北至三江營者丹陽在鎮江常州之間若爲賊踞則南北阻隔常州更岌岌可危又兵勇接仗失利應隨主將歸伍卽爲賊所隔亦當赴鎮江聽令乃遽紛紛渡江實屬

可恨現由李若珠派員前赴三江營彈壓押令  
折回臣亦札飭原在三江營盤查員弁一體遵  
辦均奏入

上命軍機大臣傳諭和春張國樑何桂清許乃釗曰前  
據何桂清奏稱和春等進扼丹陽居中調度方期激  
勵軍心力圖進取今丹陽又爲賊匪攻陷兵勢屢挫  
東南大局岌岌可虞和春身爲統率所司何事致令

潰敗至此殊堪痛恨惟當妥速布置先固軍心再籌  
進剿以期力贖前愆毋得再有疏虞致干重咎蘇郡  
係省垣重地兵力甚單何桂清自應馳赴該處督率  
兵勇聯絡鄉團力籌防剿以固根本現在潰勇難民  
紛往蘇郡奸細最易溷跡何桂清務當與徐有壬督  
飭地方文武嚴密稽查先清內奸鎮江一帶現有  
何員駐守張國樑現在曾否回營著和春等迅速查明

馳奏本日復據喬松年奏兵勇潰退並李若珠陡患  
痺證不能行步各等語李若珠前已有旨撤去幫辦  
軍務著和春等仍遵前旨速派得力大員前往更代  
力顧江北其潰退兵勇卽由江南大營派員迎提催  
令速赴鎮常毋任逗留

上又命軍機大臣傳諭官文曾國藩胡林翼都興阿曰  
現在丹陽已失天長六合之賊時時出巢窺伺江北

無重兵駐紮該逆難保不乘此鷓張更思竄擾著都  
興阿卽督帶馬步各隊四五千名趕緊前進與袁甲  
三等各軍互相聯絡力圖進攻並著官文等將所需  
口糧軍火寬爲籌備毋稍遲誤會國藩現在圍攻安  
慶著卽迅圖克復率師東下迅掃賊氛其楊載福水  
師仍著進攻蕪湖扼賊之吭並與李德麟等梭巡江  
面以牽賊勢毋令北竄

十一日乙亥張芾奏言涇縣一城爲徽甯兩郡關

鍵自失守後青陽等處踞賊紛紛屬集旣分股竄陷旌太進犯徽州復分陷甯邑廣德關入浙境數月來徽甯兩防岌岌可危總兵江長貴自克復旌德後布置嚴定卽督參將文芳等次於三溪周天受亦飭副將吳再升等進紮琴溪分路並進吳再升等先以馬隊攻克赤灘賊卡卽



進偏距城七里之紀村地方江長貴由茄麻司  
一帶進擊將白華晏公堂賊卡一律毀平統兵  
直抵城下閏三月二十二日周天受知會江長  
貴督軍四路齊進同時圍擊吳再升率隊轟斃  
守陴賊目我軍一鼓先登斬關直入賊由西南  
兩路奔竄克復縣城其由蘭山嶺等處竄遁者  
又經蘇式敬等督率兵勇民團截殺無算皖南

軍務可望漸有起色此次尤爲出力各員相應  
開列懇請分別獎勵奏入

上諭內閣曰徽甯官軍自克復旌德太平以後經張芾  
督令進攻涇縣閏三月二十二日江長貴等督軍齊  
進同時攻擊吳再升率隊轟斃守陴賊目登時潰亂  
我軍斬關直入當將縣城克復所有此次尤爲出力  
之副將吳再升著記名以總兵用劉仁福著賞加總

兵銜參將向元吉著賞加副將銜都司王金林著免  
補都司以遊擊補用甯國府知府顏培文固守郡城  
率團助勦尙有微勞應得失守各屬處分均著免其  
置議前署涇縣知縣劉西園失守時禦賊受傷此次  
復隨同克復功過尙足相抵著革職留任帶罪自效  
張芾又奏言皖南官軍克復涇旌太石後接據  
王有齡函咨以金陵大營失利退保鎮江飛調

知府蕭翰慶一軍馳赴常州助剿臣當卽札飭該員兼程前往詎蕭翰慶以官文飭調赴豫不能前進臣以常鎮軍情如此危急惟有於徽甯兩防抽派得力隊伍開道赴援以期迅速查署皖南鎮總兵江長貴勇略素著情形亦熟且與張玉良共事有年必能和衷商榷當卽檄令江長貴率所部二千餘人並由周天受於甯防選

派精銳二三千人一併交江長貫統帶星夜馳  
援以顧大局奏入報

十四日

戊寅

京口副都統巴棟阿奏言鎮江密邇

賊氛所恃者惟丹陽一綫之路可通糧餉今丹  
陽旣失該逆麇集馬陵新豐等處餉道已絕三  
面受敵防剿喫緊異常四月初一日突有馬步

逆賊數千竄至丹徒鎮大肆焚擄臣卽會督在  
防文武嚴密堵禦一面商山馮子材酌派隊伍  
迎勦將該逆擊退初二日復見城外東南火起  
逆賊遙擁而來圍撲鎮城臣卽會督馮子材等  
登陴固守開礮轟擊斃賊不少該逆卻退遂糾  
死黨直撲雲臺寶蓋各山馬占葵所紮四營旋  
卽潰退失陷經京口水師副將鞠耀乾等督率

艇師及大小火輪船駛往開礮副將向奎等帶  
隊出城衝殺乘賊立腳未定立將所失營盤全  
行奪回初五日該逆仍由東西南三路擁至約  
有一萬數千人攜帶雲梯及攻城器具飛奔撲  
來城上開放槍礮轟斃賊目數名逆勢不支紛  
紛敗伏山後初六日五更時大霧迷漫該逆乘  
勢四面攻撲馮子材督飭副將吳世斌等扼守

新城鞠耀乾復督千總張國英駕駛火輪船水  
陸夾擊向奎見賊衆在東門緣梯直上親點大  
礮轟斃騎馬賊目數名餘匪千餘名屍橫徧野  
賊勢大蹙並派參將蘇如松等分帶精銳出城  
追殺賊衆向九華京峴虎頭等山退竄現仍會  
督在事文武相機防勦惟刻下鎮江毗連之地  
自金陵句容丹陽以及東壩溧陽等處數百里



之關徧地皆賊孤城僻處江濱數日不通文報  
糧斷援絕危險萬分合無仰懇

天恩飭下各路統兵大臣趕緊分派勁旅取道鎮江會  
合進剿力保危城奏入

上命軍機大臣傳諭和春何桂清曰逆賊圍攻鎮江府  
城雖經在事文武將酋來賊匪擊退而東南兩路尙  
有屯匪其毗連鎮江之金陵句容丹陽以及東壩溧

陽等處數百里之閒徧地皆賊孤城僻處江濱糧援  
隔絕文報不通實屬萬分危急和春現在退守常州  
前此潰散兵勇諒已陸續收集著卽迅撥勁旅由閒  
道繞赴鎮江會合向奎等軍奮力擊勦力保危城毋  
得徒事株守致令一誤再誤其江北一軍李若珠旣  
已患病不能統帶又與江南大營隔絕和春勢難兼  
顧著迅保得力大員管帶以資攻勦至被陷之丹陽

溧陽句容等縣城池並著和春嚴飭在事將弁分投  
攻剿迅圖克復何桂清現守蘇州自必布置嚴密徽  
浙援兵曾否趕到著與和春和衷共濟激勵軍心以  
期保全東南大局

十五日己卯曹澍鍾奏言逆首石達開前欲由南

丹土州入黔窺川被土練截殺無算不敢前往  
現隨處屯紮仍步步探矚黔滇取道趨蜀臣維

該逆新舊賊黨約計三四萬人自柳慶以至百色延袤千餘里雖節節爲勇練痛殺究未能聚而殲旃劉長佑現紮柳州猝難拔營必須添派重兵及早合圍方能戡定頃接蕭啟江稟報已統全師將次入川如該逆竄近黔滇卽當遵

旨飭令劉長佑督軍馳往會合蕭啟江田興恕等夾剿

奏八報

聞

十六日  
庚辰

上命軍機大臣傳諭官文都興阿曰前因金陵大營被  
陷丹陽失守和春等未能兼顧江北李若珠陡患痺  
證難以臨陣節經諭令都興阿督帶馬步各隊四五  
千名或由舒桐或由霍六進兵與袁甲三等各軍聯  
絡聲勢駐紮江北進攻六合浦口天長等處現在逆

首陳玉城在江浦糾合和州以西之賊意圖傾巢出  
犯江南潰兵紛紛渡江情形實爲危急和春等由丹  
陽退保常州大江南北文報不通江北一軍若非威  
望素著之大員統帥勢將渙散設或江南之賊渡江  
與天長六合之賊合成一片則揚州等處完善州縣  
亦將被擾著官文等統籌全局卽令都興阿督帶馬  
步各隊迅赴揚州六合一帶擇要駐紮督辦江北軍

務與袁甲三各軍互相聯絡力圖進取如舒桐霍六等處未能行走迅速卽由閒道設法前往毋稍遲誤

同日

上諭內閣曰軍興以來疊經諭令各直省督撫勸諭紳民舉行團練京外官紳果有諳悉戎機者亦屢經降旨令其在籍辦團藉資表率迨著有勞績經各督撫及各路統兵大臣奏聞亦無不立予恩施以示優異

凡以官民聯爲一體卽盜賊無自生心正本清源莫  
要於是乃江南省城及皖南北各郡縣淪陷於賊久  
未攻拔近自高瀆句容等縣不守丹陽繼陷蘇常一  
帶風鶴頻驚不免流離遷徙大江南北億萬生靈皆  
吾赤子久罹於水深火熱之中而莫之拯救深宮廬  
念晷刻難安大營兵餉何一非吾民脂膏竭力供億  
原期共保安全乃和春等不惟不能迅奏膚公反令



財賦之區被賊蹂躪殊堪痛恨已嚴飭該大臣等激  
勵將士力贖前愆其守令等官與地方紳士亦應將  
守禦之法實力講求協助官兵同仇敵愾所有江蘇  
等省在籍紳士除業經奉有諭旨辦理團練外其通  
曉大體律身公正足繫人望者自不乏人卽著在京  
籍隸江蘇安徽浙江河南等省之大小文武官員將  
如何團練隨同官兵助剿及防守等一切事宜務須

統籌全局尤不可自顧鄉閭須與官兵聯爲一氣庶  
於防剿方能得力其如何辦理之處著各抒所見並  
各舉所知迅速奏聞毋得虛言搪塞該紳民等食毛  
踐土二百餘年諒能衆志成城以輔兵力之不逮朕  
實有厚望焉至於被脅難民要非甘心從逆其有真  
知悔悟自拔來歸者並著各督撫及各統兵大臣援  
照歷辦成案奏請免罪以示脅從罔治咸與維新至

意

臣等謹按盜風之熾多由牧令失人匪勢之  
張每伺鄉閭無備承平日久人不知兵風鶴  
偶驚相率播徙室廬禾稼盡委之賊良可痛  
惜我

文宗顯皇帝眷念東南憂深飢溺小民困苦如見如聞  
薄海臣民同深感泣復以團練與官兵必須

聯爲一氣方能得力

詔令諸臣各抒所見各舉所知凡可以保衛民生者無  
不計之深而籌之熟

宵旰憂勞何所不至所由衆志成城婦孺咸知節義膚  
公迅奏妖氛早睹廓清也

十七日辛巳袁甲三奏言本月初四日據李若珠

咨稱高郵一帶湖防甚緊江南原派礮船三十

隻已全數調回請由臣另撥礮船防守九洑洲  
薛成良一軍已退回揚州天六之賊糾集大股  
擄取民船不下數百隻已抵東溝勢將水陸併  
力東犯丹陽失守和春張國樑突圍而出蘇常  
震動鎮城孤立江干勢甚岌岌揚州與鎮江相  
爲唇齒南至瓜州北至露筋祠地廣兵單請臣  
不分畛域會合堵剿各等情臣當於無可抽撥

中派副將黃開榜帶大礮船三十隻兼程東下  
督同前次派去之遊擊張得魁等礮船三十隻  
於蔣壩三河以下寶應高郵等湖擇要扼紮往  
來巡防並飭令就近酌添沿湖漁划以爲礮船  
輔佐總期將上下數百里水陸先行扼定使賊  
不能飛渡然後從容布置方可措手查江北精  
華盡在裏下河一帶粵逆垂涎已非一日今旣

橫船甚多僞湖防被其衝過則淮揚以東各州  
縣必致盡遭蹂躪惟現在江南諸帥不能遙制  
江北應請

旨迅簡大員使之專辦軍務以一事權奏入

上命軍機大臣傳諭袁甲三王夢齡曰天長六合逆匪  
糾集大股擄取民船勢將水陸併力東犯揚郡及裏  
下河等處均形喫重袁甲三現派副將黃開榜管帶

礮船三十隻東下督同前次派往之遊擊張得魁等  
礮船三十隻由蔣壩三河下抵寶應高郵等湖往來  
巡防並酌添漁划協助兵船以杜賊匪竄渡所籌尙  
屬周妥惟水路兵勇必須陸兵協助方可聲勢聯絡  
總兵鶴齡現防衡陽安勇現防三河著王夢齡卽行  
飛飭該總兵等與水路師船聯爲一氣以期互相援  
應力遏賊鋒至江北統兵大員前已諭令都興阿督



帶馬步各隊四五千名迅赴揚州六合一帶駐紮督辦江北軍務與袁甲三各軍互相聯絡清淮一帶地居衝要王夢齡著卽馳往淮安妥籌布置督率兵勇鼓舞鄉團與水陸諸軍聯絡防堵毋稍鬆懈

十八日

壬午

喬松年奏言自丹陽失守後賊匪四

竄文報難通鎮江雖能固守而賊於四鄉焚掠如丹陽新豐諫壁大港等鎮及圖山關皆被賊

擾將入江陰境內且擄有船隻希冀伺便渡江  
北擾瓜揚常州城外各營已潰賊圍郡城萬分  
危急無錫鄉間已見賊蹤江南糧臺未知移退  
何地臣查無錫爲蘇州屏障有地名黃埠墩尙  
可扼守如賊再越此而南則蘇州更無險可恃  
東南一帶將不可問現在江南賊勢猖獗惟恃  
長江以爲界限江面艇船不少但使調度得宜

餉需不缺極爲可恃但和春相距已遠實難兼顧而李若珠又以非其所轄深虞號令不行合無請

旨將江面一切戰船悉交李若珠總統聽其節制調度庶可以專責成其艇船口糧亦請

飭下督臣何桂清轉飭江南糧臺趕緊籌發儻在常熟設立糧臺則水師可由狼山對渡往領此時江

防至重如餉缺船散賊一渡江則江北數千里更難保全矣

喬松年又奏言漕運總督已奉

旨派王夢齡署理自可辦理江北地方事務惟株守淮安一城仍無裨益合無請

旨飭該署督駐紮高郵南顧揚州北顧淮安凡揚州一府所屬暨淮安以東各屬及通海兩處地方籌

畫防堵彈壓兵勇一切事宜均歸覈辦庶該署  
督得所展布而州縣亦有所稟承奏入

上命軍機大臣傳諭何桂清曰自丹陽失守以後賊匪  
四竄無錫爲蘇州屏障有地名黃埠墩尙可扼守如  
賊再越此而南則蘇州更無險要可恃東南大局不  
堪設想著何桂清迅速妥籌扼要堵截毋令賊蹤肆  
擾現在江南逆勢猖獗惟恃長江可以阻遏江面艇

船不少總期餉需無缺方能制勝所有應發口糧著  
何桂清卽飭江南糧臺迅籌給發如在常熟縣設立  
糧臺則水師可由狼山對渡前往支領當此軍情棘  
手之時總期士飽馬騰力扼長江之險杜賊北竄保  
全東南大局何桂清現守蘇州不能置常州於不問  
務與和春激勵軍心互相援應力圖規復迅掃逆氛  
上又命軍機大臣傳諭李若珠曰現在和春等節節退

守未能兼顧江北賊蹤北竄在在堪虞李若珠防守  
江北是其專責著卽整飭將士激勵軍心嚴密防守  
所有李德麟吳全美等師船均著歸該提督調度卽  
著督令水師上下梭巡與楊載福師船聯爲一氣嚴  
防江面毋令賊船北渡擾及瓜揚並派兵扼勦天長  
六合一帶以固北路藩籬

上又命軍機大臣傳諭王夢齡曰昨有旨令王夢齡馳

往淮安妥籌布置茲據喬松年奏稱株守淮安仍無裨益請飭該署漕督駐於高郵等語淮安地當衝要於江北地方可以統籌兼顧若移紮高郵去揚州雖近而與淮徐一帶相去較遠恐有格礙著王夢齡察看情形是否可以移紮斟酌辦理總期南北兼籌毋令顧此失彼

上又命軍機大臣傳諭官文曾國藩胡林翼曰江南大



營潰退以後和春等退保常州大江南北文報不通  
現在常州被圍情形萬分危急無錫爲蘇州屏障如  
賊再越此而南蘇州無險可扼東南大局將不可問  
爲今之計自以保衛蘇常爲第一要務著官文會國  
藩胡林翼熟商妥議統籌全局卽令曾國藩統領所  
部各軍探明道路赴援蘇常以顧大局或未能深入  
救援亦可扼截江面以杜北竄其安慶等處並著官

文胡林翼等嚴密防範毋令上竄都興阿一軍卽令速赴江北擇要駐紮妥爲布置毋稍遲誤

上又命軍機大臣傳諭張芾王有齡曰丹陽失守和春退保常州何桂清赴蘇州籌防張國樑尙無下落蘇常情形岌岌可虞亟應迅集援兵以冀挽回萬一著張芾飛飭江長貴統帶各軍星夜馳赴蘇常並著王有齡再行酌撥兵勇飛速應援不准稍有延誤如浙

軍不敷分撥所有援浙之閩兵三千當已陸續趕到  
卽著催赴蘇常以厚兵力江南大營潰退兵勇勢成  
漢散全賴皖浙兵勇援救張芾王有齡務當隨時偵  
探相機策應

欽定勦平粵匪方略卷二百三十八 庚申年

四月十九日癸未何桂清奏言臣自奏明赴蘇防

勦撫臣徐有壬傳諭各門不准總督衙門之人

入城囑臣在無錫望亭紮營不知臣本係積病

之軀又非武將焉能打仗所部止有五百人又

無鍋帳臣於四月初二日在無錫截留潰散兵

勇二三千人次日卽聞常州失利和春許乃釗

亦至許墅關和春遂親統截留馬步兵勇馱紮  
關上廣西提督張玉良在無錫紮營防剿總兵  
曾秉忠統帶長龍船七八十隻防無錫水路緊  
帥既來責有攸歸矣至所帶銀錢業已用罄蘇  
州於所有兵勇糧餉軍火鍋帳一概不發和春  
之兵漸漸散去而總理糧臺查文經不知移往  
何處風聞其在常熟臣與和春商議親赴該處

徧覓無蹤無餉可籌無糧可支智勇俱困次日  
常熟昭文二縣與衆紳商議用印票借銀一千  
兩暫爲給發東南大局深恐難支

同日徐有壬奏言四月初二日逆匪馬步三四  
萬分撲常郡城外各營相繼失守和春在北門  
督隊該逆已抄過東北各軍星散初四日潰散  
兵勇潮湧而來直至闔胥兩門外乘閒放火搶

劫城廂內外居民大爲驚惶紛紛遷避督臣何  
桂清在無錫截留潰兵後現駐潯墅關距蘇省  
三十里臣日夜籌辦防守查無錫之長龍山並  
無錫以南望亭等處均須擇要紮營惟蘇省撫  
標及守城各營兵僅存一千餘名不敷調派會  
國藩現駐安慶石牌可否仰懇

天恩卽飭該侍郎迅速統帶兵勇來蘇迎機堵剿所有

鄰省浙江福建江西湖北各省官兵雖已由臣  
咨調深恐緩不濟急應請

旨飭下各該省督撫臣迅速調派星夜兼程來蘇以保  
危城

同日瑞昌王有齡奏言臣等連接探報和春張  
國樑退守鎮江後卽同赴丹陽力扼句容內犯  
之路方謂鎮常站定大局卽有轉機不意句容



之賊突犯丹陽兵勇紛紛潰散和春許乃劍退  
至常州何桂清帶兵五百名前往蘇州布置和  
春及張玉良收集潰兵留常堵剿臣查丹陽既  
失鎮江隔絕南北不通常州雖經張玉良布置  
紮營城外而所部不滿萬人其潰退兵勇反有  
二三萬之多軍裝再失膽氣愈寒是常郡岌岌  
可危況溧陽未復其與宜興交界之楊巷地方

賊蹤麕聚不必經山宜興常州兩城徑可直達  
無錫撲犯蘇垣該逆繞出我兵之前避實擊虛  
爲近來慣技何桂清知蘇垣無備業已前往設  
防惟該省防兵尤少於浙不能不待援師浙省  
屢經徵調存省兵勇亦不過四五千人茲於無  
可抽撥之中派川兵二百名長勝勇四百名令  
遊擊王玉林管帶赴蘇聽候何桂清調遣至上海

其長官之日云三十三  
四

次所調閩楚兩軍閩兵三千餘名雖經抵浙現  
已截留衢嚴爲饒廷選防剿之用知府蕭翰慶  
一軍因官文札調未能遵赴常郡伏思蘇常爲  
財賦重地完善之區若再任蔓延則半壁東南  
行將瓦解非得勁軍助剿不足以重振軍威惟  
有請

旨卽飭曾國藩速統全部兵勇前來督辦江浙軍務庶

可轉危爲安至蕭翰慶所帶楚軍雖經官文札  
調仍應移緩就急先顧蘇常臣等又查有甘肅  
道劉于瀉所帶兵勇四千餘人頗多精銳現駐  
東流一帶其地近在江南亦可令其取道徽甯  
赴蘇援剿應請

飭下官文曾國藩迅飭前來卽聽曾國藩節制調度又  
廣建一路近雖無警而探有溧陽之賊不日卽

從廣建內犯腹地之謠查廣建東距蘇杭皆僅  
隔湖州一郡該處僅前派已革參將王鼎甲統  
帶兵勇一千名歸米興朝調遣兵力甚單應責  
成周天受分撥精兵專守廣建居中調度以固  
蘇杭門戶

瑞昌王有齡又奏言臣等續接著蘇藩司蔡映  
斗來信知和春已抵潞墅關潰散兵勇紛紛南

下常州恐難固守省垣防兵無多危在呼吸前  
所謂各軍均恐緩不濟急惟有徽甯兩防尙可  
就近援救仰懇

天恩飭下張芾周天受各撥勁旅四五千名剋日起程  
星馳赴蘇以期力保危城維持大局均奏入

上命軍機大臣傳諭官文曾國藩胡林翼曰昨因常州  
被圍蘇城危急當諭曾國藩赴援蘇常扼截江面以

顧大局現在常州岌岌可危無錫又有賊蹤可以徑  
犯蘇城江南大局幾同瓦解會國藩接奉此旨卽統  
率所部兵勇取道甯國廣建一帶徑赴蘇州相機撓  
勦以保全東南大局毋稍遲誤道員劉于瀆一軍所  
帶兵勇四千餘人頗多精銳現駐東流一帶地近江  
南卽飭令取道徽甯隨同赴蘇援勦知府蕭翰慶一  
軍現在規取池州亦卽飛調赴營隨同前進不得調

回湖北致有貽誤此兩軍半係曾國藩舊部均歸節制必能得力此外湖南湖北兩省如有可調之兵並著官文悉心籌畫酌量調撥陸續進發以厚兵力

上又命軍機大臣傳諭毓科曰江南軍務自丹陽失陷後節節潰退和春已屯紮許墅關何桂清退至常熟常州未知能否固守蘇州亦岌岌可虞已將何桂清革職來京聽候審訊並命曾國藩署理兩江總督率



師往援亟須厚集兵力以資攻剿所有劉于瀆一軍  
現駐東流尙近江南著毓科卽飭該道迅速前進此  
外如有可撥勁旅並遴委得力將弁管帶卽日馳赴  
蘇州歸會國藩調度

上又命軍機大臣傳諭張芾周天受曰逆匪分撲常州  
城外各營相繼失守和春因賊匪抄過東北不能進  
城現在退守滄墅關江南軍情萬分喫緊必須厚集

兵力保全大局徽甯兩防距江蘇較近著張芾卽飭江長貴統帶各軍飛速前往並著周天受將前派甯防兵勇一併交江長貴統帶馳往蘇常相機援剿不准稍有遲誤蕭翰慶一軍已諭曾國藩調往助剿著卽飭令迅速前進此外如有可撥之兵亦可酌量調往其廣建一帶地方緊要仍著周天受實力防剿毋令該匪分股闖入

上諭內閣曰兩江總督何桂清駐紮常郡爲策應大營  
後路乃自丹陽失守卽思前往蘇州現又輾轉退至  
常熟以照料糧臺爲詞希圖掩飾實屬畏葸無能有  
負委任何桂清著卽革職來京聽候審訊曾國藩著  
先行賞加兵部尙書銜迅速馳往江蘇署理兩江總  
督未到任以前著徐有壬暫行兼署

二十日

甲申

署兩江總督曾國藩奏言前奉

諭旨命臣等令都興阿酌帶馬步四五千人馳赴江北  
臣等再三籌商都興阿之軍須從皖北各營中  
抽調兵力已不能不分此刻安慶賊勢尙強臣  
若盡撤以赴蕪湖甯國則桐城之師不能獨立  
該逆若再乘機上犯楚疆必將應接不暇臣處  
自蕭啟江張運蘭撥赴楚蜀後不獨將領無獨  
當一而之才且兵力亦甚單薄難當巨寇目下

賊勢全趨常蘇如常州不支斷非進攻蕪湖一  
著之所能牽綴者此臣軍不能舍安慶而趨蕪  
湖之實情也

諭旨又以左宗棠戰勝攻取調度有方應否令其仍在  
湖南襄辦團練臣查左宗棠剛明耐苦曉暢兵機當  
此需才孔亟或飭令辦理湖南團防或飭赴各  
路軍營襄辦軍務或破格

簡用藩臬等官予以地方俾任籌兵籌餉之責均候  
聖裁無論何項差使惟求明降

諭旨俾得安心任事必能感激圖報有裨時局 臣前奏  
調蕭啟江張運蘭兩軍未蒙

俞允蕭啟江現在援蜀勢難調回張運蘭駐防郴州現  
尙無賊 臣已咨商湖南撫 臣駱秉章如果軍事  
棘手擬再調其前來以厚兵力奏入

上命軍機大臣傳諭曾國藩曰蘇常爲東南財賦之區  
必須力籌保衛以全大局楚軍旣不能進攻蕪湖但  
於安慶一帶嚴密扼截亦足杜其上犯曾國藩現署  
兩江總督軍務地方均屬責無旁貸著卽遵照前旨  
迅速馳赴蘇州相機援剿

上又命軍機大臣傳諭駱秉章曰曾國藩現已有旨署  
理兩江總督令統率兵勇取道甯國廣建一帶徑赴

蘇州相機兜剿該署督所部兵勇不多且統帶乏人  
恐不足以當大敵所有張運蘭一軍著卽飭赴會國  
藩軍營聽候調遣湖南如有可調之兵亦著酌量調  
撥以厚兵力

上諭內閣曰左宗棠著以四品京堂候補隨同會國藩  
襄辦軍務

同日都興阿奏言臣於四月初十日將將軍印



篆交右翼副都統富森代理卽於是日起程東  
下到省後會同官文趕緊籌撥馬步各隊查看  
情形應由何路進兵之處續行奏報奏入

上命軍機大臣傳諭官文都興阿曰江南軍情緊急江  
北又無重兵比竄堪虞都興阿旣赴省城著卽與官  
文會商迅籌調撥馬步各隊統帶起程相機進取毋  
稍遲誤荆州將軍印務著官文傳旨令富森署理

同日曹樹鍾奏言臣奉

命辦理四川軍務地方事務臣可不必要與聞惟整飭軍  
旅籌撥餉糈儘事權不屬則呼應不靈一涉牽  
掣延誤匪輕所有在事文武是否會商督臣調  
派差委抑或專歸臣統率節制未經明奉

諭旨伏乞

訓示遵行奏入

上命軍機大臣傳諭曹澍鍾曰曹澍鍾現由粵西馳赴四川辦理軍務所有四川在事文武以及各路兵勇自應歸其統率節制著於行入川境之日卽行知各路軍營以一事權曹澍鍾經朕特派專辦四川軍務尤當整頓軍旅妥籌布置迅除醜類以保完善之區

二十一日

乙酉

和春奏言

臣

馳抵丹陽探聞逆匪

將以全力來犯當卽函致張國樑帶兵前來時

張國樑在鎮江收集潰兵二萬數千名以一萬餘名交總兵馮子材留防鎮城自帶一萬三千人於閏三月二十三、四兩日先後分起到防張國樑於二十五日出城踏看地勢值久雨路滑坐馬倒地壓傷甚重仍日與在事鎮將悉心籌畫無片刻閒祇以賊信愈緊二十九日帶傷督隊於東南添築營壘而令王浚熊天喜於營前

五里外黃土橋地方分左右兩翼整隊以待黎明大霧該逆冒我旗幟數道並進突至王浚軍前搏戰約一時許斃賊無數王浚中槍墜馬殞命賊遂乘之其衆大亂熊天喜見右軍已潰卽行馳救復被包抄遂持短兵殺賊甚厲亦以力竭陣亡張國樑見前軍皆敗賊已讙擁前來立卽督隊擊退數里斬馘不可勝計而逆援愈聚

愈多自寅至午相持五時之久詎料另股逆匪  
見城西土山可以俯瞰全城環攻我營退而復  
進者十餘次遂於午初爲其所破卽又下山進  
犯西門長橋副將蔡其榮禦於橋上賊不能進  
旋因中槍落馬賊遂過橋直抵城闔城上居民  
拋擲瓢石呼噪殺賊而土山之賊以礮俯擊城  
上守陣兵不能支賊卽梯城而上城中大亂臣

等見城不守惟有退保常州尙可屏蔽蘇垣遂  
與許乃釗出城東門張國樑見西城上已豎賊  
旗知不可爲亦卽上馬擬過東門長橋與臣等  
會議而潰兵壅阻馬不能行賊已追及卽策騎  
躡水而過無如河深人衆遂歿於水臣與許乃  
釗於三十日抵常州與督臣何桂清會晤何桂  
清次日卽離常州提臣張玉良總兵馬德昭於

常州東南一帶度地紮營惟西北尚屬空虛恐  
爲所乘臣抵常之日聞賊已竄奔牛鎮囑張玉  
良收集潰卒營於西北初二日賊以數股來犯  
東南以大股步賊攻西城張玉良親自帶兵往  
援鏖戰良久臣見衆寡不敵賊已由西北竄近  
卽親督小隊馳援乃未及接仗忽有槍子飛中  
胸前幸未墜馬賊騎已抄至東路營盤盡失臣



欲回城而門已閉城內僅守兵千餘與民同守  
臣等不得已無錫清明橋隘口速收潰散以  
圖內固錫邑進援常城張玉良已在離無錫城  
二十里之高橋及十里外之黃埠墩等處修卡  
築營並又檄調候補道史保悠所募焦湖義勇  
三千名俟到防後兵力稍足卽當進援常州查  
常州城內米糧火藥尙多民心固結尙能守禦

惟恐爲日過久力難支持幫辦軍務江南提臣  
張國樑忠勇謀略冠絕一時屢摧大敵口不言  
功厚養戰士家無私積東南衆志賴以維持雖  
古名將無以過之今賊燄方張而將星忽賈三  
軍之士莫不同聲痛哭合無仰懇

天恩飭部從優議卹於江浙兩省及死事地方並其原  
籍建立專祠地方官存卹其家以彰忠蓋其湖

北提督王浚壽春鎮總兵熊天喜亦皆累著戰  
功同時殉難相應請

旨一併飭部議卹

同日兼署兩江總督江蘇巡撫徐有壬奏言自  
秣陵大營潰退丹陽又復失守和春退至常州  
城中恃有重兵在前人民均未遷徙糧臺所在  
火藥米糧銀兩均各充足城垣亦濠深壁峻實

堪固守乃督臣於閏三月三十日聞丹陽失守  
見和春一到卽魂亡膽落立思逃避當時常州  
紳士聞督臣有退避意公同進謁涕泣慰留督  
臣情急遂於次日將親軍小隊擺成隊伍黎明  
時突開東門與和春查文經衝突而出是日常  
郡紳民耆老頂香跪留者不下數千人督臣竟  
令小隊開槍轟擊而逃聞當時士民被擊而死

者十有一人其被鳥槍及刀矛傷損者更有百餘名之多初二日賊犯常郡張玉良一戰而潰督臣意欲來蘇次早舟泊滸墅關先令委員持函見臣曲述避敵之意是日蘇省人民聞督臣將至人聲鼎沸兼之潰勇逃兵來如潮湧頃刻間蒼黃萬狀督臣若來卽恐登時大變隨飛飭吳縣知縣沈偉田等到關攔阻並述閭閻惶擾

情形懇督臣折回無錫督臣接信後雖未來蘇  
連日差探並無音耗初七日遊擊華封來見云  
督臣避至常熟之十里亭所帶親軍小隊竟在  
彼放火劫掠居民異常惶怖人心頓形渙散

皇上待諸臣不薄一旦有事俱思巧爲規避置地方民  
生於不問實屬天良漸滅而常州城中自諸臣  
退避後該郡士民竟能登陴固守相持已旬日

之久是該郡城並非不可固守之明證使督臣  
果能堅守安見不能阻遏兇鋒屏蔽蘇杭財賦  
之地臣孱薄陋劣豈能以一簣障江河賊到蘇  
城臣祇一死以報

皇上惟臣不能補救時艱雖死不足以塞責耳

徐有壬又奏言四月初八日據張玉良函稱該  
逆初四日由小路繞過常州竄至距無錫六十

里之戚墅堰放火搶掠經張玉良督隊迎勦殺賊多名賊卽退去常州府城現尙固守張玉良卽在距無錫二十里之高橋地方扼要駐紮初九日賊匪復自高橋分路來撲並有礮船十餘隻沿河而下經張玉良飭調兵勇礮船分投迎擊賊退至距高橋數里地方築營等語臣思大營潰退賊勢鷓張常郡尙未解圍該逆又竄近



無錫雖有張玉良一軍駐紮但自丹陽以下處  
處可通儻大股直撲蘇省則張玉良一軍首尾  
受敵亦難兼顧省垣所有兵勇僅一千餘名臣  
飛飭添雇壯丁一萬二千餘名分布城廂內外  
會同團練按段巡防所調各省官兵迄今未到  
伏懇

聖恩俯念蘇省情形危迫

飭下各路統兵大員迅速調派精兵星夜兼程來蘇以冀轉危爲安

徐有壬又奏言本月初二日賊匪攻犯常州府城和春親自帶兵出城迎敵胸受槍傷不省人事跟隨人等背扶衝圍而出至無錫城外養傷嘔血不止熱毒內陷飯食不進延至初六日未刻嘔血數日而逝並准許乃釗委員齎送

欽差大臣關防及江甯將軍印信二顆前來臣思大  
營兵勇甫經潰退張國樑至今尙無下落和春  
又復傷亡大局不堪設想現在許乃劍馳赴無  
錫會同張玉良料理軍務伏乞

聖恩迅賜簡派統兵重臣帶領勁旅剋期前來以扶危  
局和春自督師勦賊以來厥功甚偉此次以兵  
勇潰退督隊受傷齎志而歿情殊堪憫可否仰

懇

天恩飭部從優議卹均奏入

上命軍機大臣傳諭張玉良徐有壬曰前因蘇常危急命曾國藩署理兩江總督統帶兵勇由廣建馳往救援蕭翰慶劉于瀆兩軍均令其調往隨同前進並諭張芾周天受飛催前派江長貴督率各軍星夜馳援兩湖官兵亦諭官文等酌量調派惟各路援兵一時

未能起到徐有壬惟當激勵兵民固守蘇州張玉良  
現在無錫高橋地方駐紮著卽收集潰兵奮力攻剿  
總須在蘇州之比擇要截擊兼可進援常州方爲妥  
善該提督現署欽差大臣所有楚皖援兵及王有齡  
所派之軍均歸其節制卽設法妥爲布置保全蘇常  
和春奏張國樑落水身故徐有壬奏未知下落著俟  
查明具奏再降諭旨

上又命軍機大臣傳諭曾國藩張芾周天受曰現在江南情形萬分危急亟待援軍速集以冀挽回大局曾國藩已有旨署理兩江總督自應統帶各軍兼程前進本日復命張玉良署理欽差大臣總統江南諸軍所有江長貴一軍並徽甯各防抽調兵勇卽著張芾周天受催令迅速馳往常州一帶聽候張玉良調遣毋許稍有延誤其徽甯兩處防務仍著張芾周天受

妥籌布置

上又命軍機大臣傳諭魁玉巴棟阿曰常州被圍賊偏蘇州江南大局其勢岌岌鎮江一城關繫緊要恐該逆乘虛竄擾著巴棟阿實力防勦勿稍疏失江甯將軍已降旨令魁玉署理該員現在何處著巴棟阿探明知照令其收集滿洲官兵會同駐守鎮江協力防勦張玉良現署欽差大臣總統江南諸軍所有鎮江

一帶防勦機宜務與張玉良互相關照聲息相通以免貽誤現調各路援軍當可陸續趕到蘇常勦辦得手則鎮江愈形喫緊巴棟阿務當會同魁玉激勵各將弁悉力固守相機截勦

上諭內閣曰何桂清自丹陽失守以後既不能固守常州阻遏兇鋒以總督重臣輒思逃避且於士民涕泣挽留尙忍心害理擊傷多人以冀脫逃縱容親軍放



火劫掠震動地方現在常州紳民尙能登陴固守而該督節節退守置地方民生於不問實屬殃民誤國何桂清著卽拏問交徐有壬派員押解來京聽候審訊

上又諭內閣曰欽差大臣暫署江甯將軍和春督師江南前因金陵大軍退守鎮江當經降旨將其革職仍暫署理江甯將軍留於江南督兵茲據徐有壬奏稱

逆匪攻犯常州府城和春親自帶兵迎敵胸前重受  
槍傷衝圍而出火毒內陷嘔血身亡和春自廣西轉  
戰數省由安徽至江南數載以來戰功卓著茲雖兵  
機屢挫尚能血戰捐軀殊堪憫惻和春著開復革職  
處分照將軍例賜卹

上又諭內閣曰逆匪攻撲丹陽縣城和春等令王浚熊  
天喜於營前五里外分翼追剿賊於大霧中冒官兵

旗幟數道並進突至王浚軍前轉戰約一時許斃賊  
無數王浚中槍墜馬殞命熊天喜卽行馳救復被包  
抄手持短兵殺賊甚厲力竭陣亡丹陽旋陷湖北提  
督王浚安徽壽春鎮總兵熊天喜累著戰功同時殉  
難殊堪憫惜均著交部議卹

上又諭內閣曰廣西提督張玉良著署理欽差大臣督  
辦江南軍務所調各路援兵均歸節制

同日張芾奏言據王有齡函稱江蘇情形危迫  
和春何清桂均已退守潯關浙省無兵可撥惟  
徽甯兩防尙可就近濟急請速派得力兵勇數  
千星夜赴蘇援救其甯國各防勢不能兼顧祇  
可扼守廣德建平以固門戶並囑臣酌帶親軍  
前赴浙省商推一切等語臣閱信之餘曷勝焦  
憤前聞大營退保鎮江當卽飛調知府蕭翰慶

一軍赴援旋因蕭翰慶不能迅速應調遂檄令  
總兵江長貫率所部二千七百餘人並由己革  
提督周天受派副將劉仁福二千餘人均歸江  
長貫統帶星馳前往江長貫已於閏三月二十  
八日自涇縣拔營前進劉仁福先經王有齡調  
赴杭州臣復札催蕭翰慶所部四千餘人繼進  
據報已於四月初五日起程王有齡派援之師

亦有數千參將周天孚之軍又先期經何桂清  
截留統計援師不下萬餘人儻能以守爲勦似  
不難轉敗爲功今王有齡欲再由徽甯添派援  
軍原屬顧全大局惟徽甯兩防面面喫緊東壩  
之賊疊犯宣城溧陽之賊屢窺涇縣溇安股匪  
又久踞爲害副將王夢麟等紮營威坪雖擊賊  
獲勝奈浙師屢挫尙未能約會夾攻兵力徒爲

奉掣今王有齡以甯防勢難兼顧欲令專守廣  
建臣慮宣涇不守則廣建更不能守而浙西之  
患愈偪卽徽州亦有屠亡齒寒之慮恐大局愈  
不可支現在周天受已派副將吳再升率二千  
人馳紮廣德合之已革總兵米興朝所部二千  
餘人王有齡添派之參將王鼎甲一千餘人勉  
可分布臣仍會商周天受擬在徽甯各防於無

可抽撥之中再行設法調援江浙並催令現駐  
威坪之王夢麟等速卽約會浙師務將瀘安之  
賊早日殲除以紓浙徽肘腋之患奏入報

聞